

# 卷十九

書名 文潞公文集四十卷 嘉靖五  
 年高陵呂氏刊本  
 撰者 宋 文彥博 撰，明 呂柟 校  
 卷 卷十九  
 內容分類 集-別集-北宋  
 索書號 集部-別集-3-28  
 編號 D7220100

彩色首頁1

東洋文化研究所漢籍目錄 編號: D7220100

東洋文化研究所漢籍目錄所藏漢籍善本全文影像資料庫 索書號: 集部-別集-3-28

漢籍善本全文影像資料庫本文潞公文集四十卷 嘉靖五年高陵呂氏刊本

版權所有: 東京大學 東洋文化研究所

使用上的注意事項

文潞公文集卷第一

古賦

聖駕幸太學賦并序

家以寰宇昭泰仍歲登平務恢儒風以章示黎獻  
 帝乃備法駕幸于太學詔諸儒博士講論前典親  
 聽焉臣獲逢休吉之期恭聞偉盛之事舞蹈不足  
 於賦誄誠不能述宣上德褒讚形容姑第樵夫之  
 不協擊轅之韻爾詞曰  
 受命之四葉皇上御極之三年九有成若六合  
 黎庶躋于壽域文教燭乎永天朝無闕政野無

按聚米圖經延州之境東自長寧塞以次帶西北至德靖寨沿邊回遠接賊界地分約七百里舊分三路中路塞門大川直至延州北至金金明栲栲兩寨上又分路東入安遠寨自昔水北入塞門寨邊雖是山谷然諸處並有路通行入馬有渾州塞門兩川最是寬平易行大軍先朝五路八界范廷召隰州安入延州直到城下故先朝常保蘆關以扼其衝要廬關在塞門北十五里所自賊陷塞門安遠金明栲栲寨熟戶部落蕩然一空今雖脩復金明寨然徒有城壁其衝要之地多陷於虜加之甫耳州城不可不

文路公文集卷第十九

奏議

供取索英宗遺事熙寧元年

先帝切於求治審於任人臣等因進擬差除官上曰朕向在藩邸每聞朝廷除官多是不厭衆論朕亦以為倫選未當及朕臨御以來精意求人不少恡好爵今選於衆方知得人頗難然隨才任之使各稱其職可也臣等上奏曰帝王任人不藉才於已往不俟賢於將來隨才任之誠如聖旨

乞戒勵諸路將帥熙寧元年

今西事方興用兵有漸款預行戒勵諸路將帥

一將佐逐日公共協心講求兵政邊事各務周知利害蘊蓄有素臨事不惑則鮮有敗事

一將佐依時躬親訓練士卒務令事藝習熟人情相諳免致倉卒誤事

一將佐須各熟知山川險易道路遠近敵人情狀所貴用兵料敵不失機會

一將佐等須熟詢康定中用兵次第鑑當日之失策則可以致今日之得計

一兵分勢弱取勝必難仰本路經略總管熟議戰守

之兵各有定數兵有定將量力應敵必求全勝無若康定中累為誘兵所陷

一沿邊小堡寨若遇大寇不能支吾即檢詳前後處置臨時或須併入大寨不管落賊姦便

一賊寇大入更相赴救或逐路牽制仰細詳前後指揮處置不得至時觀望不進有誤大事及不得輕有舉動致有敗衄

一常切選得力勾當事人探候賊中事宜如所報得實及致官軍勝捷一依前後賞格施行

一行軍賞罰常須檢詳所貴倉卒易為處分

一 所須財糧常須計會連司計置有備仍須體認邊儲難得豐備不得非理妄用

一 經略司機宜官常須編排檢詳本司前後文書務要習熟齊整緩急處置報應有所依據不致差失稽違有誤大事

一 機宜官不得與本路兵官過縱結納及赴筵宴有妨行遣文字

乞禁止漢人與西人私相交易

熙寧

檢會累降指揮沿邊諸路經略安撫使嚴切禁止漢人與西界私相交易博買非不下窻近訪聞諸路沿

邊因循習俗不切禁止常有番漢私相交易蓋緣官司不遵守條貫明行賞罰是至全無畏避及無人發摘告陳近又聞西界不稔斛食倍貴大段將牛羊青鹽等物衷私博斛斗入番不惟資假盜糧兼妨沿邊及時計直收糴軍儲今欲再下逐路經畧安撫司依累降指揮施行

奏陝西保毅軍利害

熙寧四年

據涇州保毅軍人戶程奉先等狀乞除放保毅軍反乞免放送納見錢事檢會熙寧二年八月終據陝西沿邊四路經畧使與轉運使薛向分拆擘畫到逐處

保毅利害者詳廊延環慶兩路保毅軍皆是於人丁  
上點差尋並撥併充義勇外涇原秦鳳兩路保毅從  
初並於人戶地畝上件差只有相承祖名元無正丁  
充後皆是臨時衆戶依地畝合錢顧人充後每遇典  
賣地土於契帖上開坐合着保毅分數隨地推送及  
至應役之時出助錢數多不齊足經官理索即勾集  
典賣衆戶管認分攤極煩追擾尋牒兩路保毅五千  
餘人更不勾追只令合着保毅每一名共納錢三貫  
文各於稅簿內開坐合着分數隨夏稅只於本州縣  
送納見錢不得支移折變如遇典賣地土亦依分數

於契內開坐如兩稅法割移其納到保毅錢別作一  
項椿封如本路有脩城或隨軍差役却將上件錢顧  
人充使即不得別將支用自行下此指揮後秦鳳路  
已依准施行公私為便別無詞訟惟涇原路據人戶  
狀稱乞依舊充役免放納錢降指揮例與減錢一貫  
每名只共納錢二貫文去訖今又據程奉先等狀乞  
免納見錢及乞除放保毅軍體量得自前保毅人員  
與逐州典利在輪差保毅在州占使因緣侵漁弊倖  
不一今欲令本路經畧使更切體量利害如果是本  
路保毅人戶納錢不便即却今依舊充保毅非時不

得勾抽在州縣及諸官下占使除大段脩築城寨及  
隨軍般運軍須即得勾抽差役所有自前已納下折  
保毅錢具數封椿祇克和顧夫匠脩完城壁

奏西夏誓詔事

熙寧四年

夏國遣使通和今月二十三日中書樞密院同奉聖  
旨令押伴說與西人除緩德城界至今欲趙高商量  
外餘依從來番漢界至重立封候掘壕塹封堠界壕  
內番漢任界樵牧耕種彼此更無所禁於界首擇番  
漢穩便處置立和市許番漢交易漢收漢稅番收番  
稅候商量上件了當即約誓表降誓詔待之如舊

又

一興置和市檢會前年冬已令蔡延慶等各於逐路  
先次密切體問自来蕃漢客旅博易往還之處相度  
置立和市須至兩界首開置市場差官監轄蕃漢客  
旅除違禁物色外令取便交相博易官中止量收漢  
人稅錢西界自收蕃客稅利去年夏諸路已相度到  
利害相次便值西人於慶州作過遂未曾施行今欲  
重舉舊議此一節即不係一緩德城為未曾立定界  
至致去年脩立堡鋪頗有交爭欲令押伴說與西人  
同延州差去官分明標立定界至載在誓表所貴久

遠別無交侵此依一節創新須入誓表詔一秦鳳路甘谷  
 城至治平寨通謂堡自来雖界至分明為未有壕塹  
 以致累年頻有西人侵入地分今令秦州德順軍於  
 本界內開掘界壕所貴久遠別無交侵此一節抵是  
 開界壕止欲令西人知多令

乞別定益利鈐轄司畫一條貫熙寧四年

臣勘會益利鈐轄司以所部去朝廷遠承前體例事  
 由便宜裁決所以上體倚寄之重亦以安服遠人之  
 心二廣雖亦遐遠權其事體輕重不侔均順之事耳  
 目未遠故朝廷擇守比他蕃鎮絕重舉西南事一以



去之慶曆六年臣知益州時屬亂留列郡多事賊盜  
 興起州獄淹延事稍有疑例欲奏決臣勘會得益利  
 路鈐轄司多是承例酌情便宜區斷尋曾牒下州軍  
 今後勘到合行奏聽勅旨公案且先申當司以憑相  
 度其間有別無疑慮或情輕法重可以末減或情重  
 法輕當從嚴斷者率皆便宜決遣內有事狀必難裁  
 處方敢奏聞兼朝廷不以為非在川蜀甚以為便迺  
 來事體與昔頗殊處置之間或多齟齬今本路提刑  
 司累奏乞別定鈐轄司畫一條貫猶恐本路鈐轄司  
 今來依舊引用臣慶曆六年川蜀飢留之時權宜公

牒致監司官頗有論列欲乞送刑法司依本路提刑  
司別定鈐轄司畫一條貫所貴經久遵守施行取進  
止

論用人熙寧四年

臣屢被德音將來西事寧息更須精擇守邊之臣積  
粟訓兵為經久之制此乃陛下恭紹祖宗之丕基慎  
守盈成之大法將欲躋斯民於富貴致天下於大平  
臣退思之不勝竊抃又思以虛薄孱拙不能上副陛  
下孜孜求治之意伏增悚惕今所擇邊臣雖未得周  
才及已試之効但思慮精審不輕舉妄動以求微幸

苟圖進身則已善矣復能訓兵積粟節用愛民恩威  
兼著將使夷狄懷附非但不敢侵侮而已茲所謂長  
城巨屏致朝廷高枕無虞矣若一用輕險躁妄之人  
使之守邊為國生事以規身利則邊無寧謐之歲兵  
無休偃之時中外擾然民不聊生矣臣謂有唐天寶  
建中之難可無龜鑑開元初明皇勵精求治任姚宋  
為相馴致太平當時不賞邊功以防生事及天寶之  
際林甫國忠作相引用匪人布在朝列時以承平既  
久才力富盛於是邀功之將務恢封畧以甘上心欲  
蕩滅契丹剪除吐蕃喪師者失萬而言一勝敵者獲



一而言萬寵錫之極驕矜遂增哥舒翰統西方二帥  
安祿山統東方三帥踐更之卒俱授官名郡縣之積  
罄為祿山秩於是驕將銳卒萃於二統邊陲執強朝  
廷體弱祿山一唱中原蕩析元和中宰相李絳亦對  
憲宗云開元之末姦臣說以興利武夫說以開邊天  
下勞役以致大盜竊發兩都覆沒憲宗又嘗問侍臣  
建中之難朱泚盜據宮闕德宗播遷梁漢致亂之由  
宰臣李吉甫對曰德宗之初躬行節儉任崔祐甫作  
相動遵至道及祐甫歿繼其任者或非其人忠諫不  
聞小人乘間邀功便已苟媚當時以為河朔未賓宜

用力取其言先入主聽致惑是時國材不足趙贊司  
國計纖細刻急括率京師商賈富民又諫官陳京獻  
策稅屋間架立法峻急人情愁怨遂致涇師叛亂焉  
輿播遷實由輕用兵信小人剝下之謀以致危亂是  
二臣者皆願憲宗追念前朝之失以為元龜所論天  
事階以臆說非臣今伏聞德音以西事寧息之後慎  
擇邊帥為經久之制實安邊息民之遠圖乃馴致太  
平之長策天下幸甚然尚慮有邀功生事之將希時  
取合之臣潛為甘言上惑睿聽伏望陛下鑒前古治  
亂之由更加詳察或付之外廷公議可否兼樞密院

每進擬用人陛下累云某人好作事可用某人不肯作事不可用臣愚以謂事有可作而不作誠為過矣未可作而作失其宜矣不可作而妄作非惟害事實害治天下之人不從上令而從上好上好是為下有甚者且中人常情鮮克守趣時希旨從上所好則必勉強作為不計後之利害止圖一時僥倖者衆矣伏望陛下察其言觀其行原其始要其終可行而行可作而作庶無後害比者臣以劉邵人物志進說未審陛下以謂如何臣以邵之書主於詳察人物於任官擇材之法有可觀焉故其序云明王之宜玩宰

相之宜覽又曰人之管量中和最貴中和之職必平淡無味故能調成五材變化應節是以觀人察質必先察其平淡而後求其聰明至於人主任材亦貴平淡若道不平淡與一才同好則一才處權衆才失任夫一才處權則儉邪之人枉道附離而希進朋比之風扇矣衆才失任則端方之士守分卷懷而思退忠正之路梗矣然則於任人求治之道必有所偏偏則必有所害傳曰遠佞人放鄭聲夫佞者才智之稱蓋邪佞之人必有小才智以飭身而干進其事君也務納小忠與小利以自效夫小忠必為大忠之賊小

利必為大利之害苟人主不早辨之終必致於禍亂  
如聖人之於去佞其戒尤為深切書曰在知人在安  
民知人則哲安民則惠能哲而惠何憂乎巧言孔壬  
伏願陛下貴平淡之道以用人使群才不失其任推  
哲惠之心以去佞使群邪不干於正堯舜所以致治  
而於變時雍者由斯道也臣備位樞近內省庸素思  
竭區區上裨聖政干冒旒冕伏候嚴誅

文潞公文集卷第二十

奏議

言青苗錢

熙寧四年

臣位忝三公職當論列事有所聞深虧聖政默而不  
言則上負陛下眷倚之重近日以來中外喧傳以諸  
路散青苗錢深為不便臣比不知本末今訪知其由  
深可驚駭不近人情有玷聖化無甚於此臣謂此事  
豈可不達聖聰皆云朝廷主張及諸路所差之官承  
稟風旨威福州郡故無有敢言於朝廷者臣會見河  
北轉運司榜開折提舉常平官約束條目云所散青